



Inatsisartuni ilaasortaq,  
Jens Napätök, Partii Naleraq  
Maani/

### **§ 37 naapertorlugu apeqquteqaammut nr. 49-2019 qilalukkat qernertanut tunngasumut akissut**

Inatsisartut suleriaasissaanni § 37-mi imm. 1 naapertorlugu apeqqutinik Naalakkersuisunut nassiussaqaarsimavutit, qilalukkat qernertat pillugit. Apeqqutitit uanga suliaasaqarfigisannut akisassanngortinneqarsimapput.

Apeqqutinut atatillugu Pinngortitaleriffik tusarniarneqarsimavoq, taakkuummata misisuinernik suliaqartartut.

*Apeqqut 1) Qilalukkanut qernertanut tunngatillugu pisassiissuteqartarnerit 2004-mi aallartinneqarmatali ullumikkumut Pinngortitaleriffik qasseriarluni qilalukkanik qernertanik kisitsisimava?*

Akissut:

Pinngortitaleriffik misissuisarnissanik kisitsisarnissanillu pilersaaruteqarpoq, tassa qilalugaqarfiit pingaarnerit minnerpaamik ukiut 10-12 ingerlanerini ikinnerpaamik ataasiarlutik taamaaliornikkut kisitsivigineqartarlutik. Pinngortitaleriffik 2004-miit ullumimut 23-riarluni qilalukkanik qernertanik kisitsisimavoq. Sumiiffik kisitsiviusoq apeqqutaalluni qilalukkanik qernertanik kisitsisarnerit qilalukkanik qaqortanik, aavernik aammalu arfivinnik kisitsinernut ilanngullugit ingerlanneqakkajuttarput.

*Apeqqut 2) Qanga kingullermik qilalukkat qernertaqatigiiaat kisinneqarpat?*

Akissut:

Qilalukkat qernertat kisinneqartarsimaneri ataani nalunaarsorneqarsimaneri ersipput: Qaanaap kangerlua: 2007.

Qimusseriarsuaq: 2007, 2012 aamma 2014.

Ikeq: 2009, 2010, 2014 aammalu 2018 (Aarrit kisinneqarneri salliunneqarlutik).

Tasiilaq / Kangerlussuaq: 2008, 2015 aammalu 2016.

Ittoqqortoormiit: 2008, 2016 aammalu 2017.

Tunup/Kangiata Avannaani (Nunap eqqissisimatitap avataani): 2009, 2017 aamma 2018.

Kalaallit Nunaata kitaata imartaani ukiuunerani kisitsinerit: 2006, 2008 aammalu 2012.

*Apeqqut 3) Qilalukkat qernertat qassiuppat?*

Akissut:

Kisitsisit ataani allassimasut Atlantikup Avannaani Imarmiut Miluumasut pillugit Kommission (NAMMCO)-meersuupput.

Qaanaap kangerlua: 2007-imi qilalukkat qernertat 8.370-nut nalilerneqarput. Pisari-neqartartut amerlassusaat pisassiissutigineqarsinnaasut innersuussutigineqartartunut naapertuuppassipput, naatsorsuutigineqarporlu amerlassusiat aalaakkaasimanngikkunik amerliartorsimassasut. 2019-imi kisitseqqinnissaq pilersaarutaavoq.

Ulloq: 04-02-2019  
Suliap normua: 2019 - 1859  
Akt normu: 9858922

Postboks 269  
3900 Nuuk  
Oqarasuaat (+299) 34 50 00  
Fax: (+299) 34 63 55  
E-mail: apn@nanoq.gl  
www.naalakkersuisut.gl

Qimusseriarsuaq: Qilalukkat qernertat 2014-imi 2.596-inut nalilerneqarput. Biologit innersuussutigisartagaannit amerlanerusunik ukiuni arlalinni pisaqartoqartarsimammata qilalukkat qernertat amerliartornersut oqaatigiuminaappoq. 2019-imi nutaamik kisitsinis-saq pilersaarutaavoq.

Ikeq: Qilalukkat qernertat 2.310-inut. 2009-mi nalilerneqarput. Kisitsisit 2018-imeersut suli misissoqqissaarneqanngillat, pisarineqarsimasulli innersuussutigineqarsimasuninn-garnit ikinnerusimmammata aalaakkaasumik amerlassuseqarsimangikkunik amerliartors-imanissaat ilimagineqarpoq.

Tasiilaq / Kangerlussuaq: 2015-imi 2016-imilu qilalukkat qernertat 797-inut Kangerlus-suarmi nalilerneqarput, taamaattorli Kangerlussuup kujataatungaani qernertat taku-neqartut ikippallaarmata timmisartumiit kisitsineq ingerlateqqinneqarsinnaasimangilaq. Qilalukkat qernertat 1.098-inut 2008-imi tamaani kisinneqarsimapput. Pisarineqarsima-sut innersuussutigineqarsimasunit amerlanerummata tamaani qernertat ikiliartussanga-tinneqarput.

Ittoqqortoormiit: Ittoqqortoormiini qernertat 476-inu 2016-imi nalilerneqarput. Ikilerian-gaatsiarsimaqaat qilalukkat qernertat 1.176-it 2008-mi kisinneqarsimammata. Kisitsisit 2017-imeersut suli kiseqqissaarneqarneri piareerneqanngillat, Nunatta Kangiani qilaluk-kanik qernertaqassuseq NAMMCO'p ilisimatuussutsikkut suleqatigiissitaanut ukiaru (2019) saqqummiunneqartussapput.

Nunatta Kangiani (Nunap eqqissisimatitap avataani): Nunatta Kangiata avannaatungaa-ni nunap eqqissisimatitap avataani kisitsisit NAMMCO'mit akuerineqarnissaat uta-qpineqarput, tamanili qilalukkat qernertat 5.000-t missaannik amerlassuseqarput.

2012-imi qilalukkat qernertat Baffin-ip Kangerliumarngani aamma Ikersuarmilu Davis-imi ukiisartut 18.583-inut nalilerneqarput. Qernertat tamaaniittut aasisarfiinit arlalinne-ersuupput, ilaatigut aamma Qimusseriarsuarneersuullutillu Canadami qilalugaqarfinit arlalinneersuusarput.

Qilalukkat qernertat Canadami: Qilalukkat qernertat arlallit nunatta kitaani ukiakkut ukiukkullu pisarineqartartut Canadaminngaaneersuupput, qilalukkallu Canadameersut nunatsinneersuniit amerlanerungaatsiarput. Canadami kisitsisoqarneranit qilalukkat qernertat 2013-imi, Kalaallit Nunaallu avitseqatigisat: Somerset Islandimeersuupput qernertat 49.768-it, qernertat 35.043-t Admiralty Inlet-imi, qernertat 10.489-it Eclipse Sound-imi, Jones Sound-imi qernertat 12.694-it aammalu qernertat 17.555 Qeqer-taaluup Kangiani.

*Apeqquut 4) Peqassuseq sumi misissorneqartarsimava?*

Akissut:

Apeqquummut 1-mut akissut takuuk.

*Apeqquut 5) Qilalukkanik qernertaqassuseq paasinialugu kisitseriaaseq qanoq ittoq atorineqartarpa?*

Akissut:

Kisitsinerit tamarmik timmisartumik ingerlanneqartarput, kisitseqataasullu immikkoorlutik issiasarput, taamaalilluni allat takunngitsoorsimasaat allanit naqqinneqarsinnaasu-aannartarlutik. Taamaaliornerit saniatigut aqqaamasarnerat paasisaqarfigniarlugu satel-litsinut attavilikkanik nassitsissutilersuisoqartarpoq, atortullu allat miluumasunut uumasunut ikkussuunneqartarput, taamaalilluni aamma uumasut aqqarsimasut ta-kussaannngitsullu ilanngullugit kisitsisoqartarluni. Taamaattumik kisitsisit sumiiffimmi peqassutsimik takutiitsilluarterput.



*Apeqquut 6) Qilalukkanik qernertanik kisitsisoqarnerani Inuussutissarsiutigalugu piniartut suleqatigineqartarpat?*

Akissut:

Pinngortitaleriffiup piniartut ilisimasaat atortuartaarpat sumi qaqugulu kisitsisoqarnissaanut tunngatillugu. Pinngortitaleriffimmiit NAMMCO'p innersuussutai malillugit kisitsisartunik misilittagaqarluartunik atuisoqartarpoq. Kisitsisoqartillugu piniartut peqataaneq ajorput, teknikkikkut atortunik periutsinillu immikkut ittunik atuinissamut misilittagaqarluartut atorneqartarmata. Pinngortitaleriffimmiit piniartut suleqatigineqartarput piginnaaneri atorfissaqartinneqartillugit, soorlu nassitsissutinik nalunaaqut-tanilluunniit ikkussuisoqartillugu piniartut suleqatigineqartarput.

*Apeqquut 7) Piniarnermi susassaartut (IWC, NAMMCO aamma JCNB) Kalaallit Nunat-talu nunallu allat isumaqatigiissutaat malillugu qanoq imaqarpa?*

Akissut:

IWC-p isumaqatigiissutaa naapertorlugu nunarsuaq tamakkerlugu arferit angisuut aqunneqarput. Kalaallit Nunaata peqataanera Kunneqarfik Danmarki suleqatigalugu ingerlanneqartarpoq, danskit IWC-mi aallartitaasa ilaattut peqataasarpoq.

Arferit angisuut pillugit Naalakkersuisut qanimut aqqissuulluagaasumillu Danmarkimi nunanut allanut Ministeriaqarfimmik suleqateqarpoq.

IWC piginnaatinneqarpoq arferit angisuut aalajangersimasut pisarineqarsinnaasut amerlassusissaannik aalajangersaanissamut. IWC arferit mikinerit pillugit oqartussaaffeqanngilaq.

Suleqatigiinneq Naalagaaffeqatigiit IWC pillugu suleqatigiissitaani aqqissugaavoq, tassani aamma Savalimmiuni Naalakkersuisut sinniisoqarlutik.

Danmarkip aallartitai Naalagaaffeqatigiit sinnerlugit suliaqartarput. Nunanut allanut Ministeriaqarfik siulittaasuvoq. Danmarkip aallartitaannut kalaallit peqataatitaat Aalisarnermut, Piniarnermut Nunalerinermullu Naalakkersuisoqarfimmi, Pinngortitaleriffimmi KNAPK-milu atorfilittaapput.

NAMMCO tassaavoq nunat immikkoortuisa suleqatigiinnerisigut Atlantikup avannaanni miluumasut imarmiut attatiinnarnissaat, naapertuuttumik aqunneqarnissaat ilisimatusarfigineqarnissaallu pillugit suleqatigiiffik. Nunat sisamat ilaasortaapput; Savalimmiut, Kalaallit Nunaat, Island aamma Norge. Danmark, Canada, Rusland aamma Japan alaatsinaattuupput.

NAMMCO Siunnersuisoqatigiinnut, Tromsømi Allattoqarfimmut, ataatsimiititalianut kiisalu teknikkikkut suleqatigiissitanut arlalinnut aggugaavoq. NAMMCO aqutsinissamut siunnersuisartuuvuq, Naalakkersuisut pisassiissutinik aalajangersaaneq oqartussaaffigaat.

Ingerlatsineq pillugu Komiténi miluumasut imarmiut pillugit iliuusissat oqallisigineqartarput. Ingerlatsineq pillugu Komiténi aalajangiussassat ataatsimut isumaqatigineqarnissaat piumasaqaataasarpoq.

Naak NAMMCO pillugu isumaqatigiissummi miluumasut imarmiut tamarmik pineqaraluartut isumaqatigiissutigineqarpoq massakkorpiaq NAMMCO-p aqutsinissaminut iliuuserisartagassaminik aalajangersaasarnernani taamaallaat puisit arferillu mikinerit.

Aalisarnermut, Piniarnermut Nunalerinermullu Naalakkersuisoqarfimmi sullissisut kiisalu KNAPK-p Pinngortitaleriffiullu sinniisuutitai aallartitatut peqataasarput.

JCNB-mi isumaqatigiissut tassaavoq inatsisittigut pituttuinngitsumik Baffin-ip Kangerliumarngani uumasooqatigiit pillugit suleqatigiinnissamut isumaqatigiissut (memorandum of understanding (MoU)). Isumaqatigiissummut siunertaavoq qilalukkat qernertat qaqortallu Canadap Kalaallit Nunaatalu imartaani Baffin-ip Kangerliumarngani uteqattaartut pillugit misissuisarnerit, nungutsaaliuinerit aammalu pilersaarusiukkamik ingerlatsivigineqarnerisa suleqatigiiffineqarnissaat.

Kalaallit Nunaata aallartitai tassaapput Aalisarnermut, Piniarnermut Nunalerinermullu Naalakkersuisoqarfimmi, Pinngortitaleriffimmi aamma KNAPK-mi sullissisut. Kalaallit piniartut alaatsinaatsutut peqataasarput.

JCNB pillugu isumaqatigiissut suleqatigiinnermi tunngavissanut killiligaalluni - aqutsinisamat iliuusissavinnik tikkuaaffiunani - isumaqatigiissutaavoq. JCNB Kalaallit Nunaata Kitaani siunnersuisartuuvoq, Naalakkersuisullu pisassiissutinik aalajangersaasartuulutik. NAMMCO Kalaallit Nunaata Kangiani suinnersuisartuuvoq, JCNB-mi isumaqatigiissut Baffin-ip Kangerliumarngani piniagassanut taamaallaat atuutsinneqarami.

Kattuffiit IWC [www.iwc.int](http://www.iwc.int) aamma NAMMCO [www.nammco.no](http://www.nammco.no) isumaqatigiissutaat nit-tartagaanni nassaarineqarsinnaapput. JCNB allattoqarfeqanngilaq, siulittaasuunerlu ataatsimiittarnikkut paarlakaajaanearluni. Canada/Nunavut 2019-imi siulittaasuvoq.

*Apeqqut 8) Naalakkersuisut Nunavut-mut nannut pillugit: suleqateqalersaarpa?*

Apeqqutini nassiunneqartuni imminnut naapertuutinngitsunik imaqarpoq. § 37 naapertorlugu apeqquteqaatip kalaallisuuani nannut taaneqarput, qallunaatuuanilu qilalukkat qernertat taaneqarlutik. Piniagassat pineqartut tamarmik pillugit akissuteqartoqarpoq.

Akissut:

Naalakkersuisut isumaqarput Qilalukkat qaortat qernertallu pillugit Ataatsimoorluni kommissioni (JCNB) aamma Nannut pillugit Ataatsimoorluni kommissioni (JCPB) isumaqatigiissutit qilalukkat qernertat, qaortat nannullu pillugit Canadap Kalaallit Nunaatalu imartaani uteqattaartuni misissuisarnerit, nungutsaaliuinerit aammalu pilersaarusiukkamik ingerlatsivigineqarnerat Nunavullu suleqatigiiffineqarnerat tunngavissatut naammattut. Canada/Nunavut NAMMCO aqutigalugu suleqatigiinneq ingerlavoq, Canada/Nunavut NAMMCO-mi aalajangersimasumik alaatsinaattutut inissisima-voq.

*a) Ilumoorpat: qanoq suleqatigiinnissamik pilersaaruteqartoqarpa?*

Akissut:

Apeqqut 8-mut akissuteqaat innersuutigineqarpoq.

*b) Ilumoorpat: suleqatigiinnissamik pilersaaruteqartorneqarnerani Kalaallit Nunaanni atuisut piniartutut inuussutissarsiuteqartut peqataatinneqassappat?*

Akissut:

KNAPK Qilalukkat qaortat qernertallu pillugit Ataatsimoorluni kommissionimi (JCNB), Nannut pillugit Ataatsimoorluni kommissionimi (JCPB) aamma allassimasut Atlantikup Avannaani Imarmiut Miluumasut pillugit Kommissioniani (NAMMCO) peqataatinneqartarpoq.

Inussiarnersumik inuulluaqqusillunga



Nikkulaat Jeremiassen  
Aalisarnermut, Piniarnermut Nunalerinermullu Naalakkersuisoq



partii naleraq

Upernavik ulloq 15/01-2019

Inatsisartut suleriaasiat § 37 immikkoortoq 1 naapertorlugu matumuuna Naalackersuisunut apeqqut imaattoq saqqummiuppara:

**Naalackersuisunut apeqqut:**

1. Qilalukkat qernertat 2004-mi killilersuineq eqqunneqarmalli qasseriarluni pinngortitaleriffimmiik kisitsisitsineq ingerlanneqartarsimava?
2. Qilalukkat qernertat qanga kingullermik amerlassutsimikkut kisinneqarpat?
3. Qilalukkat qernertat qanoq amerlatigilersimappat?
4. Qilalukkat qernertat sumiiffiit aallaavigalugit sumi kisinneqartarpat?
5. Qilalukkat qernertanik kisitseriaaseq suna atorlugu kisitsisoqartarpa?
6. Qilalukkat qernertanik kisitsisoqarnerani susassaqartut piniartutut inuussutissarsiuteqartut qanoq peqataatinneqartarpat?
7. Piniarnermi susassaqartut (IWC, NAMMCO aamma JCNB) Kalaallit Nunattalu nunallu allat isumaqatigiissutaat malillugu qanoq imaqarpa?
8. Naalackersuisut Nunavut-mut nannut pillugit: suleqateqalersaarpa?
  - a) Ilumoorpat: qanoq suleqatigiinnissamik pilersaaruteqartoqarpa?
  - b) Ilumoorpat: suleqatigiinnissamik pilersaaruteqartorneqarnerani Kalaallit Nunaanni atu-isut piniartutut inuussutissarsiuteqartut peqataatinneqassappat?

(Inatsisartunut ilaasortaq, Jens Napātôk', Partii Naleraq)

**Tunngavilersuut:**

2004-imiilli killilersuineq eqqunneqarmalli paaserusunnassaaq susassaqartuniik kisitsisarneq qasseriarluni kisitsineq ingerlanneqartarsimanersoq paasissallugu. Naalackersuisut UKA 2018/60-imut aamma UKA2018/234-imut akissuteqarnerminni suliap normua 2018-10328 qilalukkat qernertat qaqqortallu amerliartornerarlugit allassimammata.

Taamatullu Naalackersuisut akissutaanni allassimalluni IWC, NAMMCO aamma JCNB suleqatigineqartut, suleqatigiissutaata imarisaa qanoq imaqarnersoq paaserusunnassaaq.

Tassunga ilanngullugu paaserusunnassaaq Kalaallit Nunaat Nunavut-mik qilalukkat qernertat pillugit suleqatigiittoqarnersoq. Tusaamasatsitut Nunavut-mi qilalukkat qernertat killilersugaanngitsumik inuussutissarsiutigalugu piniartunit piniarneqartarmata.

Apeqqutit ullut suliffiit qulit qaangiutsinnagit akineqarnissaat kissaatigaara.

Jens Napātôk' \* Inatsisartunut ilaasortaq \* Partii Naleraq \* Imaneq 1 \* Postboks 4120 \* 3900 Nuuk